

戊申吏科給事中林廷玉言十事 核邊軍斬獲失律功罪  
屬敵愾曰出師嚴紀律戒科斂曰革在京諸司吏役頂首錢  
曰納粟監生臨選分三等能文為上楷書次之否則為下上  
中選視科貢下等冠帶閑住曰檢先留中疏付吏館曰教官  
俱鄉榜除授曰各處習儀拜御座戒騎至儀門設纏位曰收  
窮民入養濟院曰妖僧繼曉未罪遂逮繼曉下錦衣獄  
勅左都御史馬文升提督團營  
庚戌撤馬兕罕速魯檀阿黑麻王入貢  
曉刻火星犯六諸王星

癸丑遼府衡陽王豪懃薨年五十三謚靖僖

甲寅曉刻木星見

乙卯終養戶科給事中賀欽遷陝西布政使右叅議辭不赴  
曰上四事資真儒以講聖學薦文才以佐治道遵 祖訓以  
處內官興禮樂以化天下 上是之


丁巳陝西山西河南游旱平陽西安河南懷慶多盜古墓命  
巡按御史禁之

周府柞城王同慶薨年四十謚昭僖

戊午提督勇士中府都督僉事王欽柔宏以太監李良乞陞

國權

弘治元年





被劾降都指揮僉事

庚申曉刺金星犯鬼宿

七月壬戌朔毀方士趙玉芝父賜墓碑

丙寅編修張元禎為左春坊左贊善

沔陽州判官吳傑服闋于九年考滿虧六日吏部准考滿免  
補九不及一月俱做此者著為令

貴州倉界四川湖廣輸納者俱貴州右叅政林迪提督賜勅


戊辰寧府瑞昌王觀錫薨年四十六謚榮安

減浙江銀課汰冗員巡按御史河津暢以亨景寧災異言溫

處銀課二萬二千二百四十餘金太監張慶加耗三千金厲  
民有添設銀場叅議僉事縣丞等官詔銀課如舊裁其冗慶  
亦誣亨他事謫黃梅知縣亨卒河津人道涇水開渠以利民  
涇民祠之

陳善曰暢公按浙威聲暴人耳目至今猶凜有生氣假  
令彼折節貴寵即立致顯膺無難于今亦泯滅無傳焉善  
任者顧以彼易此哉

癸酉南京兵部郎中陳謙言揚子江多漁船乞編籍令自相  
緝捕從之命有司點視





甲戌增陝西按察副使王軾專西寧治番夷

定府部會議限半月報上急議限五日刑科給事中胡金言其緩也

乙亥吏部尚書王恕以近賜內臣蟒服庄田宜裁革上以舊勞置之

左春坊左贊善張元禎上三事定聖志存聖敬廣聖知上納之


丙子曉刻金星犯軒轅火星  
辛巳太常寺少卿陸鈇予告

癸未南京御史張昂以祭孝陵暴風雨上言路闕矣而扈蹕糾儀不免錦衣捶撻之辱聖學廣矣而封章繼進不能回寒暑停免之說梁芳雖斥而祭祀尋已故之便嬖萬喜雖懲而庄田准椒房之親屬方士浮屠雖遠而符書尚揭于宮禁番僧旋復于京師技藝廁役雖草傳奉而千戶復陞張質通政不去張苗沒匹雖停仍織蟒衣斗牛寶石雖置時賜外戚珍玩有一于此皆足害政乞以古人漸不克終為鑒上納之

曉刻金星犯軒轅左星

國權

治元年





密雲縣地震

丁亥建平伯高遠卒

戊子巡按雲南御史何悌鎮守太監王舉貢金鑲寶石帽  
勅頂命止之

曉刻金星犯靈臺中星

己丑戶部左侍郎李嗣刑部右侍郎彭韶並兼左僉都御史  
清理兩淮兩浙鹽法

命疑獄詳讞

設<sup>故</sup>太常寺丞蕭宗玉以符水幸服除會改元成榆林潛避南

京獲之改成鎮夷千戶所

庚寅周府遂平王同鎮薨年四十五謚恭安

辛卯兵部郎中陸容乞定武職陞轉之法照例薦舉不許營  
求從之


八月壬辰朔罷五軍營左掖廣平侯袁輅右掖都督同知白玘  
癸巳泰寧侯陳桓為征西將軍總兵官鎮守寧夏

丁酉南京左府都督僉事高俊卒

己亥巡撫甘肅羅明言甘肅鎮守分守內外官採辦乳造酥  
油等物貢犬馬珍奇道擾宜禁詔事

國權

治元年





曉刻壽星見丙位色赤黃

庚子給守祖墓庶人子女婚嫁金一鎰幣四羊豕四亦宿州知州萬本奏及

壬辰卜數冠宣府獨石萬萬金

漢州茂州德陽石泉地震

癸卯禮科給事中張九功請孔廟斥荀况馬融王弼楊雄進薛瑄少詹事兼侍講學士程敏政亦言罷馬融劉向賈逵王弼何休戴聖王肅杜預祀鄭聚盧植鄭玄服虔范甯于鄉申張申黨定一人宜存其一公伯察秦冉顏何蘧瑗林放家語

不載宜罷祀或祀瑗于衛祀放于魯又后蒼有功于禮記宜與王通胡瑗從祀顏無繇曾點孔鯉別立祠祀叔梁紇祔之及孟孫氏程珦朱松下禮部議尚書周洪謨等以楊雄洪武中罷祀薛瑄著書尚未若黃幹輔廣之親承微言金履祥許謙之親承緒說也漢立二戴慶普三家于學宮后蒼不與焉王通僭經胡瑗教狹他如荀况等經 太祖詳定未敢輕議上是之


石泉縣地復震

甲辰亥刻陝西山丹衛地震有聲

國權

治元年

三





乙巳原<sub>卜</sub>監生<sub>牙</sub>時泰上續綱目

<sub>卜</sub>寇甘肅山丹永昌

丙午南京御史陳嵩等請復張昇官不許

丁未巡撫寧夏右僉都御史崔讓疾去

戊申宣府葛峪堡地陷深三尺脩百五十步衝一尺

庚戌鎮守甘肅都督同知王璽卒璽世太原左衛指揮同知

習韜略在邊二十餘年頗著威望

辛亥<sub>卜</sub>犯獨石馬營

癸丑夜月犯井宿

丁卯曉刻月犯井宿

丙辰刑部右侍郎程宗為南京工部尚書

減雲南銀課二萬金

丁巳陝西左布政使張瑞為右副都御史巡撫寧夏


巳丁北<sub>卜</sub>伯顏猛可王入貢

罷真定河間陸路築掘牆塹右僉都御史張鼎倡之南京守

脩太監蔣琮言臣過德州勞民怨歎即檄止

庚申鎮守宣府都督僉事神英改鎮西將軍鎮守大同

曉刻火星犯積薪星





九月癸亥大同左叅將都指揮使李天壽都督僉事鎮宣府  
甲子刑部右侍郎彭韶為左侍郎巡撫順天右僉都御史閔  
珪為刑部右侍郎時巡監御史饒梅立見丁辦糧之法場民  
或見哺即出歲課人不聊生華亭何孝上浙江叅政稷山王  
衡書條便宜教事衡善之彭韶乃重覈戶口除偽報者  
乙丑北平伯顏猛可王入貢仍稱大元可汗乞報使通和不  
許乞比例陞秩許之

涼州衛天鳴如雷

丙寅山東按察副使強珍為大理寺左少卿戶科都給事中

陳壽為右寺丞

荆府桐城王祐禪薨封使未至年十五謚懷僖

戊辰昏刻月犯斗宿南星

庚午御史曹英劾強珍陳壽之陞不叶人望 上留珍調壽

南京光祿寺少卿

壬申始給督漕主事勅


癸酉夜火星犯鬼宿

甲戌裁運河沽頭主事南直隸巡河郎中

曉刻火星犯積尸氣星

國權

元年









謚下禮部

詔南京練營兵復勅湖廣四川河南飭備以多飢盜

庚子勘南京後湖灘田後湖中藏黃冊後于湖灘墾藝御史

余濬言之下戶部主事盧錦廉其事而錦初與給事中方向

亦墾藝者守備太監陳祖生以聞下錦等獄勘實

癸卯旱災免開封夏稅

丁未晉府永和王竒消薨

解州天鳴

戊申久陰不雨御史王嵩等上五事中劾禮部尚書周洪模

少詹事陳敏政右春坊右庶子王臣並令致仕太僕寺卿李

溫調苑馬少卿

曉刻月犯天罇西星

庚戌代王成鍊獻海東青大學士劉吉等請卻之 上報代


王曰海東青不供田獵之用朕萬幾之暇惟留心經史講求

政治前詔止貢獻叔祖何不察也詩云人之好我示我周行

禮記云私惠不歸德今歸所獻或忠言謹論時政裨益是所

望也唯叔祖其亮之

甲寅巡撫山東錢謙等言東昌兗州濟南人領魯府羊三千





一百餘口飼六十餘年納毛十萬餘斤羔六十萬餘只令人  
戶逃絕歲徵未已 上令還種羊原數

巡撫雲南左僉都御史楊繼宗卒繼宗字承芳陽城人天順  
丁丑進士授刑部主事守嘉興九年治最超浙江按察使憂  
去起撫順天坐訐坐遷雲南副使進按察湖廣至今官初至  
監司皆舊僚友謁畢繼宗出位降階再拜曰明日宰相諒衆  
不解明日疏貪酷不職者八人俱免官土官襲職例勘索痛  
革之廉介峭直人莫敢犯天啟初追謚貞肅  
乙卯復四川松茂巡撫

賑四川五萬金湖廣十五萬金

丙辰進士王洵為稷涂旦任綸為給事中

工部後作房火郎中李韶下獄


丁巳南京兵部尚書耿裕改禮部尚書

十一月庚申朔太常寺卿署欽天監事童軒為右副都御史提  
督松潘等處軍務兼巡撫

設宣府順聖縣

辛酉刑部尚書張鑿服闋改南京兵部尚書

秦府永興王公鈺薨年六十一





壬戌遠東中外益二十萬引

癸亥昏刺月犯羅堰下星

丁卯巡撫甘肅羅明以臨洮鞏昌平涼中茶八十萬斤并行

陝西中茶備賑

夜南京甲字庫災盜道之

戊辰寧府樂安王奠壘薨年六十二謚昭定

壬申兵部郎中陸容上八事儲養台輔庶吉士愛惜人才久任

巡撫教導勲戚經理京衛選練禁兵均平鈔法慎重會議

上從

甲戌重慶長公主嘉善長公主淳安長公主崇德長公主宜

興長公主俱進封大長公主

乙亥南京刑部郎中鄒儒悞騎入舊內右門謫廣西洛容縣

駟丞


丁丑鄭府涇陽王祁銑薨年五十六謚安靖

欽天監副吳昊張紳高鍾等下臺獄以是月十六夜月食

不應

夜月犯鬼宿

戊寅夜月犯軒轅右星





壬午兩廣流賊平

甲申妖僧繼曉伏誅繼曉江夏人黃姓成化中以星命干太監梁芳進幸被殊寵勅旌其孝居都督馬俊宅賜額輔教寺陞國師多寘婦人群小黃進還楚以黃帕裹一臂以經御手也至是斬籍財產妻子沒官梁芳令南京守備杖八十初進士林廷玉宣詔湖廣道擁弗能行則有僧衣金龍袈裟坐數十几上衆咸羅拜駟人曰倖僧繼曉也廷玉使還授吏科給事中劾繼曉凶妖在道傷害先德命密馳捕之七日而至廷玉弗知也問都給事中宋欽曰奏有旬日弗下者乎欽曰間


日不得請則事敗矣豈子有奏久而弗下者哉曰然乃繼曉欽曰若有欽中佐子輕言之且得罪盍素服宿廊待罪廷玉從之甫一宿中使召廷玉嚴詰繼曉目數其罪繼曉伏辜即日棄市

乙酉水旱免河南糧芻

丙戌土魯番入貢令甘肅守臣遣使諭速檀阿黑麻還哈密  
侵

十二月庚寅朔 上省郊牲

壬辰前兵部司書王竑卒竑字公度河州衛人正統己未進





士授戶科給事中值北狩廷擊禠禪馬順死直聲震天下進  
右僉都御史守居庸等關已巡撫淮揚兼總漕運進左副都  
御史天順初削籍後復官至尚書知無不言剛毅明決臨事  
敢往夷險一節天下稱之贈太子少保謚莊毅

凌迪知曰竑性剛毅少豪俊尚氣節義所當為奮往直前  
生長西陲有志功名居言路見事有不平者輒為之扼腕  
自廷擊馬順之後所止令行禁止人望而畏之曰此極毅  
馬順者公名自是滿天下豈非一世人豪哉

癸巳王槐鄭惟桓鄭達汪澄為監察御史

甲午鄖陽荊州襄陽流民嘯聚左副都御史撫治官鄭時乞  
預備從之


成都建昌潼川遂寧越雋寧番地震并雷雹雨凡四日

丁酉禮科給事中王倫上十事體天心以脩寔德惜人言以  
集衆善廣科目以崇文學去邪淫以敦大化嚴遴選以得真  
才餘多可採 上納之

癸卯禮部右侍郎倪岳為左侍郎

乙巳貴州左布政使王詔為右副都御史巡撫雲南

丙午漢陽通判李晟再上戰車法試之粗重難運弓弩遠不





過二十步以妄費謫晟曲靖衛知事

丁未故廣昌知縣莊英捕盜死贈建昌通判

辛亥戶部主事唐錦舟求封繼母舒氏吏部以其父吏科給事中仁封婦周氏則錦舟所請仍封一非二也從之

壬子曉刻月犯房宿

癸丑賑應天飢民米三萬石


金吾右衛指揮僉事倪端以畫工直東宮許改錦衣衛

丙辰定勲臣應襲子弟皆入國子監受書

丁巳兵部尚書余子俊等上防邊事宜歲終撫按覈宣大鎮

守分守守備等兵政行舉劾遼東軍冊考南京後湖原額薊州永平稅糧悉輸邊倉大同總鎮等官選銳補在城游兵奇兵各路極邊游奇二兵不得輕動又下如寇中路則大同城軍為主兵而東路與洪州西路與偏頭關合援如寇東路則東路軍為主兵大同副總兵游擊及宣府游擊洪州叅將合援寇西路則西路軍為主兵大同副游擊及偏頭關叅將合援又清各邊草湖給馬又肅州甘涼莊浪蘭州如有警令互應毋遽調寧夏延綏等衛如大舉仍舊例上從之

南京右僉都都御史虞瑤兼提督操江





國權

弘治二年巳酉

正月壬戌遼府應山王豪塚薨年

謚端順

酉刻金星晝見

丙寅裁四川筦糧叅政

丁卯昏刻月犯昴宿東星



戊辰昏刻金星犯木星

辛未 上南郊

國權 弘治二年

藍官設遷孺木著

國家圖書館, NATIONAL CENTRAL LIBRARY, TAIWAN, R.O.C.





癸酉夜月犯軒轅右星

丙午馬文升等言去冬住牧河套云明春入貢彼既入貢  
餘眾在套散牧此回入籍言河冰不出乘此入寇何以禦之  
宜勅延綏鎮臣防諭出套若從大同入京否則驅逐報可

庚辰咸寧縣丞李文祥為主兵部職方主事

昏刻金星犯外屏星

辛巳卯刻日生五色雲及左珥良久散

甲申夜月犯牛宿下星南京雨霾

乙酉定外官正佐互糾例

進士馬子聰倪天民李岱為南京給事中

丙戌進臨清縣為州館陶邱縣隸之仍屬東昌

給事中胡瑞勘去年延綏失事還奏鎮守太監藍蕙降左監

丞都督同知白玘等各鑄秩

已刻白虹彌天

二月辛卯賑四川飢移漕米二十萬石

甲辰長戶部右侍郎吳原展墓


甲午大學士劉吉等言皇上取禱雨文臣意待二月半後

而皇上催取蓋此月七日月在畢宿是將雨之候左右乘

國權

弘治四二年

二





機勸禱幸而得雨將借感聖聰欲復李孜省鄧常恩故態臣  
等即撰祝文乞斥其人待二月半後虔祈上納之

丙申前太常少卿兼翰林侍讀陸鈇卒鈇字昂儀崑山人天  
順癸未進士界吳姓始奏改陸授編脩遷脩撰直東宮秩滿  
進右諭德至今官予告鈇以端謹清峭稱其文簡勅有法詩  
亦如之有春雨集予祭墓廕子中書舍人

丁酉夜月犯井宿

戊戌夜月犯天罇西星

中書舍人吉人言四川賑濟郎中江漢恐非其才乞遣使分

四道擇才望御史巡按如給事中宗琮陳瑀韓昂御史曹璘  
郎中王沂洪鍾巡按則湯鼎等上切責之

己亥廣西布政司右叅政王珣閑住先任戶科給事中及珣

例轉疾辭求原職致仕吏部格之勒閑住

前右府都督同知宰用卒

壬寅四川威州地震聲如雷

南京壽星見


甲辰設廣東從化縣及守禦千戶所隸廣州

代州天鳴

國權

弘治二年

三





戶部郎中江漢賑成都順慶保寧王宏賑夔叙重慶馬湖  
丁未御史陳景隆等劾吉人抗命私黨下詔獄詞引御史湯  
鼐曹璘主事來思誠知州劉燾知縣韓福等御史陳璧復言  
非實惟鼐燾及主事李文祥庶吉士鄒智知州董傑詩酒標  
榜毀時政詔逮并訊之燾嘗餽鼐白金書云夜夢人騎牛几  
墜鼐手挽之又鼐手五色石引牛就路人牛曰朱鼐殆有扶  
持社稷之力 上惡其言  
傳四川織絹  
曉刻金星犯壘壁陣左星夜月犯心宿

戊申月犯天江南星

己酉南京御史姜洪等劾守備太監蔣琮十罪命按之琮私  
受蘆洲屢勘自如


辛亥兵部尚書余子俊卒子俊字士英青神人景泰辛未進  
士授戶部主事進員外郎守西安鑿渠利民歷撫延綏創築  
邊牆移鎮陝西入本兵憂去起督宣大治守具雖招物議而  
博達有才加太子太保習于邊事脩築之利後人祖之不衰  
贈太保謚肅敏子真錦衣衛指揮僉事

楊廷和曰公嘗語人曰人臣事君當隨事盡力凡有建樹

國權

弘治二年

四





即近且小亦須為百年之計又曰大臣謀國遇有大利害當以身任之勿養交市恩為遠自全之地其城延綏時怨謗紛如公不惜執之不易卒以成功人至于今稱之李東陽曰予嘗接公設即事論事必欲實見諸行往復曲折大抵皆天下國家計也及跡所設施歷、可指數而在陝西功為多在延綏為尤多也蓋以延邊數千戶屹成巨鎮與寧夏甘肅並為陝之保障雖童兒女婦莫不知誦其功及用于北邊值時與地有所不合役未及興而眾喙山動或者乃并延綏之績為疑然則大臣之排群議任眾怨


以成大功者不亦難哉夫民不可與慮始可與樂成固也以吾士大夫為天下國家計亦為是言何哉必若所言則都重位享厚祿者皆得諉于傷財害民累歲積資計日受代而不復知有天下不至于大壞極敝不止也嗚呼世安得有勵志勤事惟日不足如陶士行者哉

開封晝晦

甲寅赤斤蒙古衛都指揮綽失加為都督僉事以擒下功

乙卯右都御史馬士升為兵部尚書提督團營

丁巳召總督兩廣南京右都御史屠滂回院





三月己未朔災傷免陝西去年田租三分之一

巡撫四川右副都御史謝士元劾罷

庚申金星晝見

辛酉高進嗣建平伯 高遠之弟

昏刺鬼星犯火宿

壬戌崇王見澤來朝求省 太皇太后援襄憲王例上止之

崇德大長公主薨 英宗女適駙馬都尉楊偉年三十八

癸亥陝西按察副使邱昂為右僉都御史巡撫四川

太保襄城侯李瑾卒瑾性寬厚能折節賢士成化三年以征

四川大壩蠻功進侯

司禮太監常泰兵部尚書馬文升簡營兵

風霾累日

乙丑總督漕運左副都御史秦紘為右都御史總督兩廣軍


務兼巡撫召巡撫宣府左僉都御史李介回院

上寇宣府獨石馬營執千戶劉忠

丙寅裁陝西行太僕寺少卿寺丞苑馬寺少卿各一寺丞三

已巳萬安卒安字循吉眉州人正統十三年進士授編修歷

禮部左侍郎直閣至少師兼太子太師吏部尚書華蓋殿大





學士儀觀甚偉性陰忮惡人異已結指揮萬通為族通妻王氏母來自博興言及其妹適四川萬編脩而安與通又姻婭也又厚李孜省鄧常恩斥逐賢士黷貨好色任路側目雖致任人以為幸免贈太師謚文康

徵湖廣吏卒萬餘人分二班赴廣西潯柳斷藤峽等討賊  
庚午免湖廣本色折色糧九十餘萬石

辛未巡撫江西右副都御史李昂總督漕運兼巡撫鳳陽巡撫福建右副都御史王繼改宣府


甲戌以久旱遂齋而禱始大雨丙子又大雨

戊寅吳玉榮陳崇為南京監察御史

劉繫論死湯鼎成肅州衛吉人削籍兵部主事李文祥降貴州興隆衛經歷鄒智降廣東石城千戶所吏目大學士劉吉嗟萬時御史魏璋有名吉使其客徐鵬忠璋曰能去萬即薦為都御史璋因以劉繫書陷萬等刑部主事祝萃疏救不納文祥麻城人丁未進士後覲還渡商城溺死吉深德璋後薦陞大理寺左寺丞湯萬成化十一年進士

閉四川會川衛密勒山銀場

廣西賓州大雨雹壞廬舍木稼





巳卯錦衣百戶甄剛恃 太皇太后戚屬違例乞莊田下獄

罷福建江西巡撫官盜漸息

夜月犯羅堰下星

庚辰貴州安莊衛大雨雹

癸未御史姜洪謫夏縣知縣洪按湖廣與總督漕運都御史

秦紘爭檄失體被劾

甲申御史暢亨坐事謫涇陽知縣

旱災免鎮江去年糧芻有差

四月庚寅靖江王規裕薨年三十七謚昭和

辛卯錦衣衛帶俸指揮都使錢承宗封安昌伯世襲

洮州衛雨雹水溢渰人畜

壬辰吏部尚書王恕疏救劉槩命徐議之

甲午懷安衛保安右衛地震

乙未太常寺丞張暉鎮守太監慶從子本奏差任驛丞起家

至是降典簿

清理兩淮鹽法戶部右侍郎李嗣回部即致仕


庚子南京大風雨雪

辛丑命吏部尚書王恕午朝或雨雪并免早朝以優其老

國權

弘治二年

八





減湖廣上供魚鮮如成化七年例二千五百斤止舟二艘

甲辰月犯南斗杓星

丙午勅河南按察使河北分巡道捕盜

丁未彰武伯楊瑾卒

免福安縣銀課一年

辛亥水災免海州夏麥

壬子翰林侍講學士李東陽服闋進左春坊左庶子仍兼侍講學士

止武當山太監帝貴等貢茶梅笋黃精

癸丑暑讞以刑部尚書何喬新言釋劉槩成海州千戶所

甲寅汧陽知州董傑謫四川行都司都事坐湯萬等黨議

兗州知府趙蘭上六事定禮樂郡縣文廟不宜十祥祀位叔

統別議謚號周公謚文憲補闕略孔顏孟子孫各重刑名監

祀員習王乞復舊著恩典五品以上致章下所司有官曾氏闕

丁巳定處州銀課萬二百三十七金泰順縣六百四金裁松

陽宣平雲和管場懸水


五月庚申河南守臣奏河決開封黃沙岡蘇村等又決埽頭入

沁河命發卒五萬人治之

國權

弘治元年

九





成都地震壬戌復震

癸亥木星晝見

甲子戶部右侍郎葉淇為左侍郎工部右侍郎劉璋改戶部

丁卯巡撫貴州右副都御史孔鏞為工部右侍郎

壬申山東左布政使鄧廷瓚為右副都御史巡撫貴州

南京前府豐潤伯曹振卒

甲戌署太常寺禮部尚書劉爰致仕

福建左布政使戴珊為右副都御史撫治鄖陽

戊寅逮巡撫雲南章律以御史何悌劾其貪勘上再被劾

辛巳松潘中鹽二十餘萬引

乙酉脩承光殿

南京翰林侍讀學士吳希賢卒莆田人天順八年進士館選

授檢討文有奇氣尤工詩


丙戌金星晝見

丁亥陳震汪宗器田大淵曹鳳騰祐吳一貫孫衍李葵徐昇

周琰彭程馬綦李鸞劉瑋為監察御史並實授

前吏部尚書李秉辛秉字執中曹州人正統丙辰進士授延

平推官遷都察院經歷改戶部主事歷郎中景泰初擢右僉





都御史歷撫宣府南畿大同以事罷成化初進吏部坐誣落  
太子少保去性純正不飾盡心職務居家二十餘年日與野  
老贈太子太保謚襄毅

六月戊子朔工部主事林沂奏秩坐御史上御史向翀等謂慶  
成宴翰林科道上科道坐郎中上不拘品 上以沂遠憲

下錦衣獄

壬辰南京大風雷雨仆國子監石坊

甲午木星晝見


戊申入遼東廣寧衛之岐山臺

徽州見沛請祀中岳諭止之

癸丑戶部遣司官覈直隸河南湖廣淮揚山東災傷

調陝西兵四千于莊浪紅城備冬

內臣長隨何鼎奏錦衣衛官校行事得陞蓋國家立法之始  
人心未定權為此懾服奸雄之具非欲守此為常也曰循日  
久本衛官多不過數百糜費廩祿繼例而升年久益繁夫乞  
恩傳奉非治世美事而 祖宗建官本意也 皇上御極下  
令沙汰中外稱快但漏網猶多近來復有黃緣臣聞官可幸  
得則朝廷不尊祿可乞求則官爵不重伏望覽古今壞事之





源懲姑息之弊嚴履霜之戒時勅吏兵二部文非考中本等  
程式武非軍功并行事陞者自天順元年至今一切革去則  
功賞不濫人食無浮吏兵二部覆奏竟寢初錦衣衛鎮撫司  
專主詰問奉旨對簿之人並得緝訪都下奸私無佐証者名  
曰天子詔獄歲上功兵部捕獲多者為右職至有起身小  
校超階勲臣是以每陰陽上意影响人罪以邀爵秩不勝  
擄掠延喘甘承且訪捕所及家貲若洗甚至并其同室之有  
席捲以去

丙辰代王成鍊薨年五十四謚曰惠

七月壬戌賑京師及通州水災

癸亥京師大雨水諭脩省求直言

戊辰慶府弘農王邃薨年四十謚安僖

夜大星墜遼東都司聲如雷


己巳罷光祿寺卿胡恭南京左通政徐世英南京工部尚書  
程宗以禮科都給事中韓重等上四事糾及之

庚午前刑部尚書陸瑜卒鄆縣人宣德癸丑進士授刑部主  
事歷郎中遷山東左右布政使天順初李賢薦入刑部精于  
法比凡議獄緣以經術人多傳之亦多所平反惟論許聰死

國權

弘治元年

士





為枉瑜無子謚康僖

壬申暫停永平河間保定寄牧馬徵駒

甲戌左副都御史邊鏞改南京刑部右侍郎

乙亥夜月暈木星

丙子禮部尚書耿裕等七上事寅畏天戒減省貢獻鎮監總兵止進

馬二匹停止折納光祿寺折納雞豕鵝羊革退軍廚光祿寺廚役額六千三百八十四人

今增千五百人慎重教職均平取士定會試南卷六北卷四中卷二改調官員上

從之惟軍廚如故

哈密國王罕慎為土魯番速壇阿黑麻所殺弟奄克字羅急

走甘肅時賜罕慎貢直即給之

丁丑吏部右侍郎張悅改戶部左侍郎

戊寅戶部郎中陳瑗等賑永平河間水災戶粟一石

已卯戶部尚書李敏等請皇莊今有司每畝徵銀三分輸內


帑免官校之橫命仍之

乙酉薊州遵化寬河地震者四有聲

八月戊子大學士劉吉等上六事溥恩施請賑河南湖廣南京舉賢才定

科舉會試三人不中不許入試選軍職積邊儲稽工程上從之

庚寅確山縣以隸信陽州遙阻仍隸汝寧





辛卯岷府游溪王給罕東左衛頭目盼卜等粟盼卜以罕慎  
故攻土魯番不利告飢  
刑部左侍郎彭韶上鹽場八圖各條以詩俱狀貧灶之苦復  
上六事罪運司虧課減額徵立預備倉擇提催恤灶丁清積  
引 上從之  
癸巳曉刻金星見  
丙申番禺山賊揭陽流賊平  
旱災免南京各衛屯糧之半  
庚子長刻金星晝見

壬寅初孟密安撫司夷婦曩罕慎屢侵木邦地守臣以聞請  
檄孟密歸之報可

蘆溝河隄潰新寧伯譚祐工部侍郎陳政內官監太監李興  
往築役卒二萬


福建清軍御史兼理鹽法初海道副使兼之

己酉 憲宗純皇帝主祔太廟

庚戌 入宣府赤城

癸丑雲南順寧府賊莽邱等平

甲寅太常寺少卿周經為禮部右侍郎





乙卯巡撫甘肅羅明歸哈密忠順王罕慎勅印冠服賜勅

九月丙辰朔禮科給事中孫儒等清畿內莊田

雲南大理衛雨雹傷稼

丁巳屢入大同玖川嶺大尖山執百戶某

戊午工部右侍郎孔鏞卒長洲人景泰甲戌進士令都昌均賦除妖調連山有善政綏撫猺獠薦守高州甫下車峒獠犯城匹馬諭下之民生祠鏞內艱民泣送千里外巡撫貴州時磔清平部苗阿溪阿刺諸苗皆震悚鏞歷任南檄三十餘年功甚著至是道卒予祭葬

己未河南左布政使王琮卒

壬戌傳制封彌錦唐王見淑襄王宸淳石城王同鏘新會王同鐘穎川王安漢義寧王安汝平樂王安溶崇善王安滄海陽王安淵定安王安漢曲江王安滅博平王安濟聊城王安澧汾西王見洽南康王表梈河中王訐珪方城王彥濬安昌王


右府帶俸廣寧伯劉璇卒

木邦孟容累年仇殺上勅責黔國公沐琮太監王舉巡撫

王詔

國權 弘治二年

十五





己巳李徽嗣襄城伯 李瑾之子

武進伯朱霖卒

乙卯貢士林潤以三試不第禁入試請寬明年特許一科


庚辰南京兵部左侍郎白昂改戶部左侍郎治河時支分為  
為三決封邱荆隆口漫祥符長垣而趨張秋一出中牟流尉  
氏一溢簡陽儀封考城歸德至宿州瀾漫不可禁議者請徙  
河南省避之昂役丁夫二十五萬築陽武長隄以防張秋引  
中牟之決以入淮濬睢河以達泗塞決隙二十六由是淮河  
入淮汴入睢入泗入淮以達于海而水患始寧

十月戊子翰林編脩張濂楊傑為侍講檢討劉機楊廷和武衛  
為脩撰

己丑駙馬都尉王增卒東鹿人靖遠伯王驥之孫尚嘉善大  
長公主

丙申衍聖公孔弘泰薦貢士孔彥士堪曲阜知縣從之  
雲南廣南衛指揮同知夏福孫吳世襲正千戶福侍 英宗  
于迤北嗣雖非軍功得嗣

丁酉兩廣總督秦紘劾總兵安遠侯柳景貪殘罪逮景入京  
占城國王古來以安南侵暴乞官兵守護諭止之





戊戌國子祭酒費閻為少詹事兼翰林侍讀纂脩實錄

己亥月犯天陰下星

庚子浙江提學副使鄭紀為國子祭酒

初土魯番以牙木蘭及夷卒六千人據哈密城至是哈密都指揮阿木郎伺其虛請邊兵襲牙木蘭走之

壬寅吏部右侍郎楊守陳卒守陳字維新鄞縣人景泰辛未進士授編修成化初進侍講歷洗馬侍講學士少詹事幼聰穎長益肆學性恬靜直易任雖齟齬守正不變文章閱麗著有四書五經私抄等集贈禮部尚書謚文懿

鎮守湖廣伏羌伯毛銳為征蠻將軍總兵官鎮守兩廣

四川松潘寇殺傷平夷等堡吏卒


癸卯南京守備太監蔣琮評御史姜綰等太監郭鏞使兩廣經南京返後湖又與御史盧錦給事中方向交奏并劾姜綰金章劉遜孫紘紀傑賈玉譚肅徐禮余濬皆就逮

兵部右侍郎何琮卒琮仁和人景泰五年進士授禮科給事中使滿刺加國進通政司右叅議至今官性詳雅居官無貶譽細行或不檢云

己巳復罷浦城縣銀冶

國權

弘治二年





丙午進士項經寶授南京監察御史

夜月犯軒轅右星

戊申哈密罕慎弟奄克字刺襲都督同知給新印以舊印阿  
黑麻劫之

己酉荆王見瀟請採良家子廣儲嗣 上報書曰朕即位方  
及三年過 先帝大祥未久若遽選妃將不啟天下之私議  
乎 祖宗朝冊后之後無選官再選妃例果朕欲選當請命  
兩宮何敢擅也

廣西兵討流賊破之時湖廣楊峒苗賊流劫全州

夜都察院逸獄獲之


嶧縣妖縣賊王良等伏誅良以佛法誑衆約卜 內應事泄即  
攻嶧縣而敗

辛亥戶科左給事中孫珪御史滕祐往賀縣訪 孝穆皇太  
后支條并紀貴紀旺事虛寔以聞

壬子大理左少卿強珍為右僉都御史巡撫宣府

癸丑定土官先報應襲子弟守臣覈寔書冊遇應襲即奏請  
從巡撫雲南都御史王詔之言

十一月乙卯鎮遠侯顧溥為平蠻將軍總兵官鎮守湖廣





戊午水災免鎮江夏稅

發京粟五萬賑順天飢再發粟十萬平糶

甲子庶吉士程楷蔣冕黃穆傅珪華巒吳儼羅玘為編修李  
遜學石瑤毛紀為檢討進士朱惠為南京御史

丁卯勅兩廣總督秦紘訪 孝穆太后確派時連山人李福  
自陳的支紀貴紀旺本撞人故令密訪連山賀縣及湖廣之

江華

戊辰兵部右侍郎呂震為左侍郎順天府尹張海為兵部右  
侍郎巡撫甘肅右副都御史羅明為工部右侍郎

庶吉士屈伸袁達李漢唐希介為給事中蔡果劉昂任儀閔

价潘楷為御史倪阜

為主事

庚午巡撫宣府王繼改甘肅

蘇州知府侶鍾為大理寺左少卿

壬申撤馬兒罕阿黑麻王入貢道滿刺加國進獅子鸚鵡等  
舊入甘肅令諭止之薄其賞

癸酉四川威茂地震


戊寅薊州地震

己卯淮安鳳陽飢募人納粟予冠帶

國權

弘治二年

十九





庚辰議徙開封城避河巡按御史陳寬言動搖人心布政使徐恪亦持不可議乃止

吳道南曰引河以漕銅瓦箱之開尚有遺慮河患雖劇乃今之城郭人民如故其堅持不可動搖之言為是

壬午湖廣右布政使唐珣為順天府尹

昏刻金星犯土星

天地壇齋宮祭服庫火

十二月甲申朔日食

乙酉開城會寧縣地震

丙戌巡撫甘肅右副都御史羅明卒南平人成化二年進士

庚戌卜入大同青山

辛卯故少保兵部尚書于謙贈太傅謚肅愍立旌功祠致仕應天府尹尹冕請卹從之

廣東陽春縣地震甲午丙申皆震

總兵李杲調寧夏遼東總兵官李侯謙代杲

乙未水災免保定河間順德廣平大名田租


丙申劉佶嗣廣寧伯 劉璇之子 辛丑夜月犯軒轅左星

前中府帶俸指揮同知都督同知李玉卒

國權

弘治二年

二十





國權

弘治三年庚戌

正月庚申金星犯土星

襄王見淑奏留私闈十六人不許

辛酉四川汶川縣地震

甲子 上南郊

己巳考察外官降斥二千五百四十二人

庚午應天府尹楊守隨降廣西右叅政南京刑部郎中趙璧

國權

弘治三年

一

壬寅冊仁和長公主駙馬都尉齊世美尚之鴻臚少卿齊祐之子

丁未水旱免河南夏稅

己酉裁湖廣布政使撫民叅議


壬子前右府都督同知李文卒華陰人會寧伯李英之從子

從征有功進西寧衛指揮僉事撫夷立都督同知總兵大同

以威遠戰功封高陽伯流爵尋失事除仍贈高陽伯子鏞世

西寧衛指揮使

國家圖書館 NATIONAL CENTRAL LIBRARY TAIWAN R.O.C.





降吉安通判大理寺右寺正聞釗降華容知縣南京戶科給  
事中方向降雲南多羅駙丞以太監蔣琮郭鏞事復命司禮  
太監何穆大理寺少卿楊謚等按之並重譴  
壬申南京太僕寺卿秦崇為應天府尹  
謫下獄御史姜維桂陽州劉遜澧州余浚平度州孫紘膠州  
繆樛莒州紀傑同州方岳泰州俱判官劉愷瀏陽縣丞太監  
蔣琮不問琮以小才當 上意雖曉李孜省等值赦請復治  
上悅之守脩南京驕恣不法以湖田訐累百餘人經歲不解  
留臺為虛


設邊曰以 孝皇之明言路侃 得抒其意而蔣琮敢操  
諸臣短長連章累案至躐上臣竄各臺偏重之勢誠有不  
可亟挽者乎

曉刺金星犯羅堰星

改磚廠于張家灣渾河口便納料者

甲戌桐城縣祠漢朱邑祔國朝祭酒胡儼御史胡頤疏

乙亥河南按察使張文昭上五事外臣不許歸省行勘庄田  
不得再獻逋戶不得累里甲代賦逃犯不得先提被告刷卷  
不得遣御史即巡按兼之報可






丙子再發粟九十二萬石平糶保定河間順德廣平大名  
定烏思藏番僧三年一貢時輔教王遣使欲自洮州入不許  
辛巳鴻臚寺左少卿齊祐以子世美駙馬改尚寶司卿帶俸  
戶部左侍郎白昂言臣治張秋決河至河南中年等縣相度  
水勢其南決者合潁渦二水入淮頗微北決者合沁水入徐  
然淺狹不能受宜于北流所經七縣築隄以衛張秋從之役  
三十五萬人築陽武長隄防張秋中年之決由是河入淮汴  
入淮入泗入淮以達海而水患以息又修魚臺德州吳  
橋古長隄鑿東平興濟小河十二以入河蓋分東北之水恐

河南入淮卒不能容也命兵部郎中婁性協理

壬午吏部尚書王恕請追姜綰等前旨事未得其當雖十易  
之不為過若謂已發下者不可易則古之從諫如流者皆未  
發下事乎不聽

二月乙酉賈宗錫王一言熊達鄧公輔盧格朱文魏瀚魏英劉  
廷瓚張烜梁廷賓白鸞為御史

前賓州知州定安孟侏復任侏貢士成化中任賓州八寨峒  
夷屢叛侏單騎撫諭之許就城市貿易戒弓力夷人信服後  
憂去至是峒夷乞復總督秦紘以聞





丁亥茂州地震

己丑文淵閣大學士徐溥少詹事兼學士汪諧主禮闈

中府帶俸安順伯薛瑤卒

夜月犯昴宿

始命禮部右侍郎周經知貢舉入闈經子疾辭尚書耿裕入

辛卯疏直沽海口

壬辰水災免開封田租三十八萬餘石

御史蔡杲公事杖斃人下刑部謫隨州判官

甲午水旱免淮安揚州鳳陽鄖陽襄陽荊州南陽夏稅有差

乙未南京雨霾

丁酉山西芮城縣丞李濟以邑人奏留進知縣

庚子寧府瑞昌王宸觀薨年二十三謚悼順

曹愷嗣豐潤伯

田州土知府岑溥逐于思城知州岑欽鎮臣以溥子琥入田

州見阻留潯州命按察使陶魯等屯南寧諭之觀變

壬寅水災免崇明田租


四川越巂衛地震

丙午巡撫河南楊理為工部右侍郎總督漕儲南京右副都

國權

弘治三年

四





御史李益回南院為左副都御史

戊申朱潔嗣武進伯 朱霖之子

四川提學副使焦芳以舊恩訴寃命改湖廣

已酉壽星見

庚戌兩廣總督秦紘再劾安遠侯柳景不法有旨併鞫

三月丙辰課天下預備倉視其里之多寡為率十里以下額萬

五千石八百里以下十九萬石餘遞減有司殿最係之從南

京給事中羅鑿之請

給嘉祥曾子廟田十六頃有奇復其徭

丁巳戶科給事中屈伸請講學 上是之

戊午吳檟服闋改總督糧儲南京右副都御史

廣西左布政使侯英為右副都御史巡撫河南河南按察使

張文昭為右僉都御史巡撫貴州

夷陵判官王勅光山知縣周洪彬州判官張萬光澤知縣劉

俊俱為按察僉事勅洪四川督學萬俊河南

刑部員外郎劉呆為四川水利僉事專治灌縣都江大堰 漢李


冰舊鑿溉田甚廣以私碾私渠漸淤故特敕

已未前太子太保謹身殿大學士劉珣卒字淑温壽光人正

國權

弘治三年

五





統戊辰進士授編脩歷侍讀學士憂去廬墓側鄉人化之稱  
仁孝里起吏部左侍郎直講稱第一直閣敢斷略無顧忌屢  
中蜚語工行草善詩人稱瑚東劉吉北劉贈太保謚文和  
嘉定州地震

辛酉北下并瓦刺入貢

丁卯廷策貢士錢福等三百人賜錢福靳貴等進士及第出  
身有差


有火星墜四川儀隴縣聲如雷慶陽雨石如卵忽作如芟人  
言刺不休

甲戌兵部右侍郎張海左通政亢守直闕巡居庸山海等關  
乙亥水旱免淮安揚州鳳陽米苳四十餘萬草五十餘萬  
丙子留進士半各署辦事餘還里  
辛巳琉球王尚真入唁 先帝喪

四月癸未朔丙戌卜入宣府獨石亂泉

丁亥西域安定衛千奔入貢 安定王領占幹兒之子

巡撫延綏右都御史黃紱為南京戶部尚書吏部左侍郎劉  
宣為南京工部尚書巡撫蘇松常鎮王克復為南京吏部右  
侍郎南京太常寺卿徐瓊為南京禮部右侍郎南京右僉都





御史虞瑤為南京兵部右侍郎瑤尋被劾同右副御史李昂  
致仕

昏刺月犯井宿

辛卯上林苑良牧蕃育二署多逋戶命賑錢八十五萬

壬辰延綏總兵官都督僉事岳嵩致仕

丙申勅巡撫陝西蕭禎提督馬政

刑部左侍郎彭韶改吏部四川按察使王軾為南京右僉都

御史

丁酉李宗泗鄭軾張敏年道范坪李端澄為南京監察御史

安南入貢

庚子巡按浙江御史陳金言驛遞馬戶之苦遂定令上馬戶

納十五金中十二金下十金俾駟丞自買舡歲一葺三歲十

大葺十歲改作通行天下


辛丑安遠侯柳景反誣秦紘命戶科給事中屈伸刑部署郎

中秦鞏往訊

丙午大理左少卿侶鍾為左副都御史巡撫蘇松常鎮巡撫

寧夏張瑋總督漕運兼巡撫鳳陽

丁未土魯番速檀阿黑麻入貢求歸哈密城印贖還使人甘





肅都督周玉以其詐仍留前使徐議之

五月壬子朔增廣東按察僉事分守廣湖南韶

乙卯陝西左布政使韓文為右副都御史巡撫寧夏太僕寺

右少卿白思明為右僉都御史巡撫延綏

丙辰長干奔襲安定王賜領占幹些兒祭葬

戊午復設湖廣興山縣國初置後併歸州

定四夷館翻譯考選之法

武進縣大雨雹

己未巡撫延綏右僉都御史白思明望輕被劾調兗州知府

壬戌脩盧溝橋成內官監太監李興乞陞文思院副使潘俊

等吏部尚書王恕言其濫上遂給賞

鎮守官不得擅提軍職受民訟以秦紘言

癸亥胡海徐璘為南京御史


丁卯望月食

己巳入遼東鎮北威遠二堡

庚午撤馬兒罕速魯檀阿黑麻王土魯番速檀阿黑麻王各

貢獅子哈密虎刺等獸巡按陳瑤論其糜費宜却禮部謂量

容一二人入京給賞上從之獅子等日給一羊毋妄費





壬申占城入貢

甲戌侍講謝鐸為南京國子祭酒

乙亥進士周旋毛瑄為南京戶工科給事中

丙子安是詰安南黎灝還占城侵地灝奏辨時使臣黃伯揚

在館兵部召至禮部諭曰歸語而主母多言其各守封域否

則永樂之師可尋也

令南京龍江提舉司造海船自登州運布鈔于遼東

戊寅故安順伯薛瑄子昂襲燕山右衛指揮使

己卯祠韓愈于河南孟縣

永樂間詔無世襲

庚辰官軍擊泗城知州岑欽敗之總督秦紘自引兵入田州以岑溥歸府

六月壬午朔陝西靖一衛大風晦變為赤光如火久之息

癸未改福建寧道提督銀坑兼分巡其邵武延平更設武

平道僉事

甲申馬鸞莫立之為南京御史

復增設南京戶工尚書吏禮兵三侍郎


廉州地震

丙戌初甘肅脩邊總兵官周玉嚴急悍卒張伏興等投玉以

國權

弘治三年

九





瓦石事聞誅伏興餘十二人戍嶺缺衛

戊子故後府右都督武平侯陳友追封沔國公謚武僖

發洪武永樂宣德錢兼古錢行之

曉刻火星犯六諸王星

己丑禮科左給事中韓鼎請戒番人貢奇獸圖厚利從之

後府都督僉事董昇卒

卜屯大同塞外新寧伯譚祐整營兵萬二千聽征下尋遁勅

延綏有倣即援

丙申脩南京外城及金川等門

庚子襄王見淑薨年四十四謚曰簡

辛丑發宣大庫金及太倉金糴粟預備

朱棣王瑄馬興王存忠為南京御史

乙巳河州大雨雹山崩地陷

丁未四川巡撫謝士元坐事下獄已還秩致仕

卜入大同寧遠墩

戊申岷州衛寧遠縣俱地震


七月壬子始遣科道巡視內庫薊州管糧郎中歲核永平山海

等邊儲

國權

弘治三年

十





南京雷電驟雨壞午門西城牆

丁巳山西左布政使劉忠為右副都御史巡撫延綏

已未湖廣按察副使佳芳再訴 上欲廷辨劉健力沮俱下

所司

庚申代府潞城王任棟薨年五十六謚安簡

鎮守陝西後府都督僉事周壘為征西將軍總兵官鎮守寧

夏壘公廉敏尤決邊備一新三軍甲冑外又備毡帽青布甲

陣前迭出以示衆馬鞍絆各二條不虞烽燧甚明後為部永

更定遂失其法

右府右都督馬儀為鎮朔將軍總兵官鎮守宣府

乙丑右府都督同知陳瑛鎮守陝西

紀貴紀旺詐冒外戚治其罪 孝穆皇太后嘗自謂賀縣人

姓紀太監郭鏞聞而識之 上在東宮太監陸愷本姓李詭


皇太后兄託鎮守太監顧恒訪其叔李福愷姊婿常父成知

其家無人冒之得官田數頃有司待以戚晚名其里曰迎恩

紀貴亦李姓名父貴及弟祖旺艷之偽上宗系圖遠應詔拜

官賜賚優渥父成遂奏辨 上命郭鏞祭紀氏先塋湖廣監

生蔣灝周紳發其詐乃遣給事中孫珪御史滕祐徵行遍叩





果偽也下之獄降郭鏞小火者置南京愷發茂陵司香火貴

祖旺成福建鎮海鎮衛

丁卯開宣大鹽引七十萬

南京吏部右侍郎王克復罷

庚午南京大理寺左寺副黃仲昭為江西提學僉事至官品

文校行澄汰不爽以無所寬假士不悅之

南京木星晝見

辛未前總督兩廣宋晟以訪外戚失實追降右副都御史

壬申前巡撫山西右僉都御史左鈺卒阜城人由貢士薦授

御史通敏有權略

癸酉巡撫湖廣鄭時為南京兵部左侍郎

夜火星入井宿

甲戌駙馬都尉馬誠下刑部獄誠託疾二年不朝

代府武邑王聰沐代王之庶長子素配暴君代王之喪召妓

淫縱諫者虐死之承奉正通保潛入京以聞廢為庶人

夜月犯天街星


乙亥前府都府同知白瑜卒哈密衛人始多阿討刺賜姓名

父哈只那力為哈密都督僉事俱北狩有翊戴功天順初被

國權

弘治三年

十三





召道卒瑜在京襲錦衣衛帶俸都指揮僉事成化初從征斷  
藤峽進都指揮同知又鬱林功進都指揮使累進今官善御  
部卒禮敬士人子鎬襲指揮使  
丙子後軍帶俸廣平侯袁輅卒輅祖父容靖難功封子瑄草  
爵輅諂梁芳獻宅為護國永昌寺得襲  
右都御史屠瀟往廣東經理占城還國王古來遣謝兼餽瀟  
請辭許之  
丁丑大理寺右少卿楊謐為左僉都御史巡撫宣府  
八月甲申陳崇德為南京道御史

丁亥增南京奉先殿日品間日鷲一雞二

庚寅立孝穆皇太后父祠于廣西禮部以 孝慈高皇后父  
徐王廟例為請 上不得已從之

辛卯許前左府都督同知袁彬次子襲都指揮僉事一軍


夜月犯斗宿

甲午前左通政徐世英卒江陰人祖晞兵部尚書少善書授

乙未雲南左布政使謝綬為右副都御史巡撫湖廣

甲辰下陝西鄜縣祭宋儒張載祠墓

乙巳禮科左給事中韓鼎言 陛下嗣位三年前星未耀古





者天子一娶十二女今舍是勿圖徒事齋醮邀福不已惑乎  
報聞 上居恒無他幸 中宮相得甚懽

丙午壽星見

戊申代府懷仁王遜炳薨年六十六謚榮定

九月庚戌前巡撫寧夏右僉都御史崔讓卒石州人貢士嘗敗

癸丑傳陞錦衣衛正千戶王清等兵科給事中劉聰等諫阻

不納


乙卯大興華淳八歲能大書命入翰林院肄習

丁巳南京刑部左侍郎阮勤致仕

甲子傳制封誠灌宜川王聰灑溧陽王聰滴寧津王安潔魯  
山王見瀟廬江王詮鏞宿遷王訐淵伊世子徵鈕樂平王見  
灑德興王約麒靖江王寘釧鞏昌王寘鏜真寧王  
丙寅巡撫河南侯英以先廣西布政使失訪外戚降四川接  
察副使

丁卯旱災免東昌去年租十之四濟南兗青登萊租十之三  
夜月掩六諸王星

甲戌太僕寺卿王霽為左僉都御史巡撫山東巡撫山東右  
僉都御史錢鉞為右副都御史改河南





戊寅復設廣東按察副使整飭雷廉等兵備

復設大名府東明縣及雲南邑市縣于路南州

閏九月乙酉工科左給事中王啟請撤蘇杭織造內臣寬民力

上不聽

癸巳禁藩府勢要請乞田土

丁酉禮科右給事中韓鼎再乞選良家女充妃嬪 上徐之

土魯番貢使自海道潛至京師詰治沿途官司

戊戌宋儒朱熹九世孫歲貢生朱貞為婺源訓導

甲辰南京金星見

乙巳土魯番先求蟒服等以戕罕慎不予至是復請禮部諭其悔過乃給

十月辛亥安慶元臣余闕祠增宗正郎中總管韓建先守城有功

癸丑翰林簡討馬政劉良為興府左右長史朱綬鄭宗載為

岐府左右長史

庚申旱災免河南夏稅


閣臣以內官監丞張蒂伴送土魯番貢使非制遂止不行

辛酉巡撫四川邱為致仕

國權

弘治三年

十五





祠漢張釋之于裕州

壬戌肇慶地震

乙丑興王出閣就學

丙寅城政和縣

平陽地震

庚午四川左布政使邢表為右副都御史巡撫四川

壬申裁陝西增設叅議僉事各一

丁丑逮治有司馬政廢弛者

十一月庚辰前戶部尚書劉昭卒邠州人景泰辛未進士其才

所至稱能

癸未武衛張縉張智程文曾祿曾昂陸完汪鉉為御史

丁亥太原地震

辛卯浙東礦賊平

乙未勅山東按察副使整飭天津等處兵備

威州地震

戊戌昏刻彗見天津芒尺餘金星犯壘壁陣東星夜月犯軒


轅右星

辛丑國子祭酒鄭紀被劾調南京左通政

國權

弘治三年

十六





昏刻彗刻人星

癸卯瓦剌太師入貢遣使驗放許二百人入京餘留邊給賞  
甲辰閣臣言災異脩省 上納之停金山沙河橋南苑等工  
作撤江西燒造內臣

丁未始給駙馬都尉樊凱父母封勅駙馬父例兵馬副指揮  
十二月庚戌總督漕運都御史張璘濬徐州小河河黃河

辛亥星變勅群臣求真言

乙卯岐王出閣就學

丁巳裁環慶兵備副使

太僕寺卿章唐擅答軍職下刑部贖杖復官調陝西苑馬寺


卿命未下章自經

客星見天市垣

己未京師地再震

廣州府知府賀勛有善政九載秩滿加雲南布政使右叅政  
昏刻彗犯天倉

壬戌吏部尚書王恕以脩省乞經筵不間寒暑各宮觀齋醮  
西天殿誦經元宵燈宴保聖夫人等歲祀俱乞裁止放獅子  
等獸撤松潘巡撫及京通倉監守織造內臣止南苑工役光





祿寺歲辦柴炭畿郡寄牧馬歲二萬匹乞半減仍量牧馬價  
畿內皇庄及功臣田土畝納細糧五升或粗糧一斗各倉虧  
糧乞免追罪人暫宥立枷疎鹽法招商鎮守等官叅隨濫額  
光祿寺軍廚千人宜裁革齋供罷燈宴內臣等如故軍廚幼  
丁月糧各減二斗餘如議  
癸亥錦衣衛都指揮使朱驥卒大興人世錦衣衛正千戶天  
順初以于謙塔成威遠尋召還成化初遷指揮僉事提督官  
校歷指揮使都指揮同知俱掌衛事甚久持法平恕 憲宗  
注之

戊辰左春坊左諭德林瀚為國子祭酒

昏刻客星見天倉漸向壁宿


己巳署太常寺事禮部左侍郎丁永中南京大理寺卿吳道  
宏俱劾罷

辛未右通政曾鑑為太僕寺卿


壬申進士邱文瀚為太僕寺卿翰林檢討侍益王

吏部左侍郎彭韶請午朝無奏常事惟議急務報聞許之然  
亦文具未久輒罷

錦衣衛指揮使李成為指揮僉事署衛事成保母翊聖夫人







之子

甲戌刑部右侍郎邊鏞太僕寺少卿王祿再劾免  
南京南寶司卿李應禎為南京太僕寺少卿  
弛貢士三科不試之禁

國權

益官設遷孺木著

弘治四年辛亥

正月癸未脩上元節假

乙酉巡撫山西翟瑄為右副都御史回院

南京兵部左侍郎鄭時為南京刑部尚書巡撫順天右副都

御史徐懷為南京刑部右侍郎南京光祿寺卿章格為南京

大理京卿

北卜小王子入貢定五百人入京時千五百人加賜幣并市

國權

弘治四年

一



弓鍋鞞織金膝襪等

戊子慶府安化王秩炆薨年七十七謚惠懿

巳丑 上南郊

辛卯脩省免慶成宴

巡撫河南錢鉞以奔劾調南京光祿寺卿

茂州地震

壬辰前刑部左侍郎曾暉卒字時升太和人宣德八年進士授主事歷廣西左叅政核大獄卻黃金數十斤改河南遷山東右布政使止戚畹占田成化初以河南左布政使儲餉給

餉給荆襄之師入侍郎部巡視浙江首去布政使張清人頗不平任四十餘年勤慎不渝同列師事之易箚家無餘貲

甲午提督松潘軍務右副都御史童軒為南史部右侍郎

巡撫雲南右副都御史王詔為南京兵部右侍郎

工部右侍郎楊理卒山陽人成化二年進士授刑科給事中

鮮建白歷大理寺丞少卿按晉趙二郎獄務寬恕進撫河南

值歲飢河決增其隄賑楚人之流永寧盧氏者然不善治劇


賜祭葬

乙未鎮守貴州都督僉事彭倫疾罷

國權

弘治四年

二





巡撫大同右僉都御史許進降兗州知府進與分府太監石  
岩相訐岩召還

丙申賑遼東

以雲南提學僉事領貴州道路阻遠改貴州兵備副使兼提  
督學校

丁酉興王婚

夜月犯氐宿

戊戌停京操吏卒沿途口糧

己亥江西貴州湖廣河南左布政使秦民悅張誌張敷華徐

辛丑南京國子祭酒謝鐸上六事擇師儒慎科貢正祀典廣  
載籍復會饌均撥歷其正祀典請進楊時斥臨川郡公吳澄  
禮部難之餘報可

壬寅兵部尚書馬文升奔繼母喪令三月即入朝


甲辰戶部尚書李敏致仕

旱災免太原去年田租

二月己酉免蔚州左衛都指揮僉事陳雲乞改錦衣衛許之至  
是被勅且錦衣衛以近侍例兵部會推上留雲今後仍例  
作太廟後殿保國公朱永工部尚書賈俊為植

國權 弘治四年

三





辛亥右都御史屠滄疾歸右僉都御史李介憂去

山西按察使侯恂為右僉都御史巡撫大同

吏部左侍郎彭韶言此多無功之人黃緣請謁授千百戶等

官甚至乞恩襲都指揮不獨武秩亦秩亦有之或脩城徼勞

而陞匠官或傳奉罷草而遷良醫又中書考滿超陞三級伏

望愛惜名器重祿廩祿勿謂小官為可與勿謂雜流為無害

嚴加杜絕 上是之

昏刻月犯木星夜月犯六諸王西星

乙卯初海西野免定河衛都指揮使忽赤貢海東青求都督


命如其賞 海西女直

丁巳歸番僧止留八十二人

辛酉貴州右叅將王道為署都督僉事鎮守貴州兼提督清  
平等衛

壬戌固安郡主卒主 景皇帝女母后妊氏遣儀賓王憲禮  
部議祭塋視嘉祥公主例從之命司禮監官治喪祭塋俱厚  
但不報訃宗藩

癸亥馬炳然周津萬祥劉琬王和陳銓郭珠周昂為南京監  
察御史






乙丑戶部左侍郎葉祺為尚書刑部左侍郎白昂為右都御史巡撫遠東右副都御史徐貫為工部右侍郎  
北卜伯顏猛可王瓦剌太師火兒忽力入貢  
夜月犯房宿

丁卯代府宣寧王任羸薨謚和僖  
已巳勅法司平刑仍行南京法司

前太子少保禮部尚書周洪謨卒長寧人正統乙丑進士授編修遷左贊善侍讀天順初改南院後召脩實錄遣戎瑛蠻入寇上方略多見採重歷南北祭酒日授經議文廟舞佾籩

豆轉禮部左右侍郎自製璇璣玉衡進尚書隨事建明多裨益性矜莊寡合博覽強記著辨疑錄多創見文體富瞻喜設兵論事或鮮適于用年七十二謚文安予祭葬


庚午先是周洪謨致仕上十事其安中國三曰積民食預備倉頡小縣滿十萬大縣滿百萬曰撫流民西漢時召信臣守南陽流民自附八萬餘曰東晉時雍州在今西安曰流民來聚襄陽若僑置南雍州于襄水上松滋縣在今廬州因流民來聚荆州乃僑置松滋縣于荆江南其後南雍遂併于襄陽松滋遂隸于荆州此往事之可法也七年成化以檢討張寬





言逐流民還里值暑多飢渴死妻女被掠盛疫解夫俱染故  
覆舟于江後都御史原傑招撫計死者九十萬人此今事之  
宜鑒也今宜著令倣召信臣故事聽流民著籍仍復九年待  
其安定然後徵之遠則放南雍州松滋縣故事設州縣置晉  
官吏編里甲建庠序流民在者有之四川湖廣尤多俱令附  
籍量為賑給寬徭省刑承絕戶田地使納其糧刀耕火種者  
免之則流民即農民矣曰弭強寇東漢廣陵賊張嬰寇揚徐  
太守張綱草車造壘中示國恩即降令宜錄張嬰本末開諭  
聽則歸農否者征勦未晚也其定四夷七日脩胡卜東漢大

將軍耿恭圍于匈奴藥矢射之其內如沸令守邊者宜藥矢  
或弩箭神臂弓賊近邊即死其馬則敵人不敢探伺曰勦廣  
寇漢順帝反日南蠻反募蠻夷使自相攻嶺外悉平唐玄宗  
時西原蠻黃乾耀等叛詔募環古酋領方子殫甘令耀等討  
之遂斬乾耀令廣西左右两江土兵不下四五十萬若夷人  
出沒募土兵征勦如通把事有功陞為冠帶通把事人有功  
世襲又有功陞隨司長官又有功世襲若土官知縣有功陞  
知州知州陞知府陞宣慰又累功至都指揮都督則人皆盡  
心無不可破之賊矣曰征南西夷及吐蕃漢昭帝時西南夷






如繒葉榆殺藍州太守乃召鈞町侯亡波擊之唐德宗時吐  
蕃入寇召南詔異牟等擊之今貴州苗賊即古西南夷如其  
出沒調川貴土司兵征之松潘番即古吐蕃山路極險轉運  
輒被劫乞移松潘官軍半守衛移其半山下庶省轉運之苦  
仍約四宣慰司勦捕者陞賞出格則大害可去曰征雲南邊  
境雲南老撾等處最瘴毒死人若不得已用兵必調各處土  
兵之如唐之調雲南異牟曰尋經制雲南境外雲南臨安縣  
南有野人一區內不屬雲南外不屬交趾宜諭其酋立官長  
自推寨主許三年貢馬免其差發則內可屏雲南外可捍使

交趾曰經制湖廣漢峒等蠻宋太祖時辰州夷人秦再雄武  
略勇健擢辰州刺史終無邊患今辰州苗克平之後令各峒  
酋長自擇其溪峒可宣撫長官司及土知府等官將如宋之  
無邊患也曰經制四川都掌大壩國初經制雲貴設土官獨  
廣西蠻蛋湖廣苗蠻溪峒四川都掌大壩未設土官每有夷  
患乞設土官為便疏入 上善之下所司而洪謨已卒

辛未前戶部尚書李敏卒于內黃敏字公勉襄城人景泰甲  
戌進士授御史有聲歷撫大同進兵部右侍郎劾罷起撫保  
定改督漕至尚書貴戚乞庄田力持之論奏多中縻人吏稱





之年六十七贈太子少保謚恭靖

壬申太僕寺少卿李介平河內人成化五年進士居官廉潔

乙亥巡撫貴州右僉都御史張文昭回院

戶部右侍郎劉璋閔珪為左侍郎巡撫保定右僉都御史刑

張鼎撫治鄖陽右副都御史戴珊為刑部右侍郎

京城火踰旬不息欽天監正吳昊奏占書曰濫火法律政事

不脩不之証

涼州星隕如月指揮使徐廉不以聞

三月丁丑進士唐貴寧舉叢蘭周序吳世忠王欽李應和為給

事中

庚辰昏刻月犯六諸王西星

癸未張錦服闋補右副都御史巡撫保定河南山東左布政

使張岫王道為右副都御史福建按察使高崧為右僉都御


史岫巡撫遼東道撫治鄖陽崧巡撫貴州

丁亥陞北平并瓦剌貢使指揮使正使副使指揮同知次等

副千戶又次百戶

己丑陝西靖寧衛乾藍池地震

庚寅久旱致齋三日分告嶽鎮海瀆





甲午廣東陵水賊流掠官兵擊敗之

丁酉定巡按御史閔報賢否從都布按郡縣正官稽覈而上  
右都御史白昂以先所報或未當故務出于公

戊戌命構遜卒止所司移檄勿遣人勾擾

己亥南京禮部尚書黎淳致仕

錄楊銘子世錦衣指揮使即哈銘北狩侍衛功

逮兩廣總督秦紘與安遠侯柳景并鞫刑科左給事中趙竑  
等御史史簡等言景貪暴紘廉正恐人心失望不聽

癸卯刑部左侍郎閔珪為右都御史總督兩廣軍務兼巡撫

裕州汝州大雨雹積三尺壞宅稼

四月丁未彰德地震

戊申秦王誠泳請王府官軍免調衛罰贖還秩從之


南京右僉都御史王軾兼提督操江

己酉揚州知府馮忠調 府通判楊榮削籍榮燈節造烟

火忠往觀夜歸人衆爭浮橋溺數十人

洮州衛雨冰雹水高三四丈漫城漂人舍

庚戌禮部尚書耿裕侍郎倪岳周經下獄初禮部火詰其由  
謂積米鬱蒸致之奪俸三月下主事祁仁獄已科道劾其罔





并訊裕等署詹事府禮部尚書邱濬攝部事再奪裕等俸三  
月仁調長沙通判

甲寅周府臨瀋王同鈞薨年二十三謚榮惠

代府寧津王聰滴薨年十三謚懷莊

乙卯檢討張芳為脩撰

丙辰巡撫保定右副都御史張錦為刑部左侍郎

戊午南京右副都御史吳櫛降山西左叅政以前陝西布政

時移用賑濟銀

庚申遼府衡陽王恩鏜薨雖封冊使未至謚悼僖

辛酉卯刻南京金星晝見


澤州天鳴夜月食

乙丑勅司禮太監常泰同法司釋經囚遣刑部郎中陳章何  
說錄囚兩畿

戊辰國子生丁嚙上八事保聖躬放宮女廣言路惜人才飭  
兵脩審刑獄敬天神蠲租稅下所司

癸酉翰林編脩兼司經局校書梁儲服闋為侍講

江西左布政使張琳為右副都御史巡撫保定兼提督紫荆  
等關





甲戌山西左布政使劉瑀為右副都御史總督南京糧儲  
五月甲申故湖廣行省叅政吳雲贈刑部尚書謚忠節祔王禘  
祠曰二忠洪武五年禘往諭雲南梁王見殺八年雲往諭至  
雲南沙塘口同行鉄知院等殺之梁王聞之殯給孤寺永樂  
間歸塋江夏之金口廕子散交趾知縣至是巡撫右副都御  
史王詔乞贈謚仍贈資政大夫刑部尚書


李東陽曰雲南遠在萬里外殘胡餘孽害我忠良而其名  
跡顯著歷百餘年如一日嗟乎時變境易兵革擾攘之際  
雖闕廷畿之下節義之沉沒者何限况其他乎

戊子雲南按察僉事賀元忠為副使整飭騰衛兵備添設  
辛卯儀賓王憲子道世錦衣百戶以固安郡主特予之  
壬辰 憲廟安妃姚氏薨謚端僖

大理寺左少卿楊澄為左僉都御史提督鴈門等關兼巡撫  
山西

定南京魏國公徐備自守脩外坐序爵  
甲午南京國子祭酒謝鐸致仕

前南京工部尚書程宗贖杖還秩仍致是先是宗以右副都  
御史撫諭木邦宣慰司頭目思柄奏設孟密安撫司授思柄





安撫復族思柄楚所侵十八寨偽歸其地寔未歸也事聞以赦前輕擬

丙申進士劉紳廷翼之為南京道御史

己亥大理左寺丞魏璋以託市女奴謫九江同知璋奸險傷善人聞而快之

壬寅故戶部尚書劉昭子綺乞贈謚禮部覆上不許謂前被劾太子少保何槩拘也

前成都訓導婁諒卒廣信人景泰癸酉貢士篤學躬脩著目錄四十卷三禮訂訛四十卷門人私謚文肅先生張元禎志

其墓

六月戊申廣東德慶州搖賊平

辛亥丑刻京師地三震

癸丑曉刻金星犯天闕星

乙卯翰林檢討胡承邱文瀚為益府左右長史

丁巳左通政元守直為通政使


戊午許孫鑾襲會昌侯鑾幼優給成化末汰冗員在草中至是鑾長以戚屬非傳奉仍襲

壬戌南京工部右侍郎黃孔昭卒賜祭塋孔昭字世顯黃岩

國權

弘治四年

十二





人天順庚辰進士授工部主事歷文選員外郎郎中注意人  
才擢右通政司國史謂尚書尹旻咨馬多隨愛憎而毀譽之  
同舍郎畏遜處事深刻假道學名與張元禎謝鐸李釗等標  
標釣名入文選其家暴富所學不過記誦調章助應對飾外  
成化中每早朝入掖門衆中論詩文或評程朱如是十餘年  
或厭之曰此禁地倉迫豈從容論理時耶其刺譏如此今他  
書又甚稱之何軒輊不侔也子備亦文選郎中賍敗孫縮嘉  
靖初議禮貴贈孔昭禮部尚書謚文毅  
癸亥前太子少保兵部尚書張鵬卒涑水人景泰辛未進士

授御史劾石亨罪戍鉄嶺衛移南丹 憲宗初復官剛直自  
將少能自見歷顯要猶如寒素雖嘗被論物議無貶也予祭  
墓贈太子太保謚懿簡

己巳寧王奠培薨年七十三謚曰靖

辛未茂州眉州地震

七月庚辰廣東增城縣山盜平

癸未左春坊左庶子兼侍讀學士李傑為南京國子祭酒


甲申南京工部尚書劉宣卒宣字紹和安福人父成盧龍徒

步學于京師正年八年預言備上景泰辛未進士授編脩進

國權

弘治四年

三





右諭德歷南京太常寺少卿寺卿署祭酒吏部左侍郎性耿  
介好折人過彭華啖蕭彥莊傾冢宰李秉宣至華家責數之  
遂轉南京尤熟典故成化初序慶成宴坐尚書姚夔問宣歷  
答無一爽所著冲澹集正德中贈太子少保謚文懿  
丙戌南京國子祭酒李傑仍脩寶錄  
丁亥南京太僕寺少卿李應禎致仕  
卯刻南京木星晝見  
己丑鎮守寧夏總兵官都督僉事周墜卒遷安人世開平衛  
指揮使多才略知兵習戰癸卯懷仁夏采左之戰尤著工騎

射年四十七人多惜之

辛卯衡陽王長子恩錯薨喪祭視郡王

盧氏縣改屬河南舊隸陝州

壬辰翁源流盜三百餘人入宜章興寧桂陽


癸巳卜入甘肅白石崖

曉刻木星犯井宿

甲午壽王汝王涇王榮王申王冠

丙申夜月犯天高星

壬寅開州地震





八月乙巳朔祠宋留守宗澤墓于丹徒

丙午遼府沅陵王豪洒薨年五十六謚昭安

戊申應天府尹秦崇卒單縣人天順庚辰進士授給事中性剛勅不屈沒不能殯可謂難矣

庚戌江南水災暫停織造

癸丑定進士內外選依榜先後不得越

土魯番入貢請還哈密城印

曉刻南京壽星見

甲寅南京淮揚地震大雷雨

刑部尚書何喬新自免御史鄒魯覲大理寺丞喬新補其郎

中魏紳魯以誣賂訊紳無坐

戊午安遠侯柳景閑住追贖右都御史秦紘致仕

己未封諸弟祐楮壽王祐楨汝王祐樞涇王祐樞榮王祐楛


申王

丁卯 憲宗純皇帝實錄告成賜監脩總裁纂脩各等官金

幣有差

戊辰進吳國公張懋太師內閣劉吉少師徐溥太子太傅戶

部尚書武英殿大學士劉健禮部尚書文淵閣大學士瀆





太子太保汪諧禮部右侍郎  
已巳增成都通判一監餉松潘

庚午復午朝

暹羅國王國隆勃刺略坤息利尤地亞入貢

前府都督同知李俊為征西將軍總兵官鎮守寧夏

辛未纂脩官太常寺少卿傅瀚為寺卿少詹事費閻為詹事

俱兼侍讀學士左右庶子李東陽董越俱太常少卿謝遷吳

寬陸簡俱少詹事侍讀曾彥楊守陞俱左諭德侍講劉戩王

鏊俱右諭德楊傑梁儲俱洗馬左贊善張元禎南京侍講學

士脩撰劉璣楊廷和江瀾武衛張芮劉忠鄧煥黃珣張天瑞  
俱侍講檢討楊時暢編修劉春涂瑞俱修撰

九月戊寅吏部左侍郎彭韶為刑部尚書南京戶部左侍郎侯  
瓚為南京工部尚書巡撫陝西右副都御史蕭楨為南京工  
部右侍郎

旱災免廣西田租有差


已卯南京兵部右侍郎王詔卒趙州人天順甲申進士授給  
事中歷撫雲南清約如平時不避險遠年六十四特予祭葬

庚辰夜月犯建星

國權

弘治四年

十六





壬午吏部右侍郎張悅為左侍郎禮部右侍郎周經改吏部  
甲申南京督學御史王鑑之陳科場之弊下禮部申飭  
庚寅夜月犯天津下星  
甲午壽寧伯張鑾故妾湯氏贈安人賜祭不為例  
丁酉 皇長子生 是月盜入漳平縣劫安溪  
戊戌 上有疾不朝  
庚子河南按察使樊瑩為應天府尹  
秦州及寧遠伏羌禮俱地震  
辛丑 憲廟惠妃郭氏薨謚靖順

壬寅興王之國德安汝王之國衛輝益王之國建昌

十月丙午詹事費閻為禮部右侍郎南京左副都御史李益為  
南京戶部左侍郎河南布政王宗彛為右副都御史巡撫陝西  
蓋州衛地震有聲

丁未改興王封于安陸  
戶部左侍郎劉璋為南京禮部尚書巡撫甘肅右副都御史  
為南京兵部右侍郎


廣西慶遠八寨峒賊常旋等掠賓州

壬子周府定安王安瀾薨年十九謚懷簡

國權

弘治四年

十七





丙辰以皇子生詔天下夜月犯天陰下星

丁巳光山縣有紅光如雷聲如鼓入地化為石大如斗光州商城各見星流有聲如光山

戊午黃河溢命賑開封懷慶及歸德宣武睢陽三衛災民已未于茂為監察御史

庚申下寇甘肅多殺掠右叅將彭清追敗之

丁卯脩太廟及神宮監

戊辰貴州苗七千餘人攻楊安屯堡都指揮劉英往覘賊猝值之互殺傷被圍

是月石城所吏目鄒智卒合州人成化間解元丁未進士少貧好學尚氣節與湯萬吉人等交善株坐遠謫順德知縣吳廷舉重其人構謫仙亭居之父來視責不能祿養泣受杖年二十八廷舉為治其喪天啟初謚忠介

十一月祭酉朔真定星隕

乙亥水災免蘇常鎮太平寧國應天杭嘉湖田租有差

丁丑下屯古北口分守少監田亮遣謀覘之被殺七人


代府寧化王鍾鈔晉府慶成王長子奇湏皆有罪奪爵

庚辰賑應天等郡

國權

弘治四年

大





壬午以河南巡撫都御史徐恪言查回江南內臣不果行  
乙酉後府都督僉事柯忠卒山後人  
己丑旱災免台處金衢田租  
庚寅整飭薊州邊備右副都御史秦民悅為戶部右侍郎提  
督倉場  
命光祿寺市物即給直  
辛卯昏刻木星犯井宿  
丁酉順天府尹唐珣為右副都御史整飭薊州邊備兼巡撫  
順天

十二月甲辰萬全都司保安州各地震


己酉巡撫四川右副都御史邢表卒文安人天順元年進士  
歷任皆克盡職

山東布政使庫被盜左布政使吳岷下巡按御史訊贖還秩  
壬子夜月犯天街下星

癸丑藩府唐山王銓鉞薨年三十四謚榮康

丙辰陝西布政使左叅政黃傑為順天府尹

戊午貴州苗乜富架等作亂殺掠都勻清平議討戶部尚書  
岷府南渭王長葉淇等言毋輕動遂命增兵積餉以待





岷府南渭王長子膺鑾淫虐蔑倫廢徙鳳陽  
發亥冊興王妃蔣氏

甲子慶王遂墀薨初自岐陽王進封年四十四謚曰莊

進士胡易韓智童瑞為給事中

英廟 妃黃氏薨

大學士邱濬請纂禮經擬詔旨傳出 上褒答

土魯番速檀阿黑麻王遣寫亦潘速兒等入貢獻哈密城印

還所掠五百餘人賜勅賞賚

開貴州中淮浙川雲益二十萬引備征苗

戊辰鳳陽 皇陵火延燬九十餘里燬大樹數千株

己巳南京戶部尚書黃紱改南京左都御史起秦紘南京戶


部尚書

安遠侯柳景母孫氏以被火求宥贖許之刑部尚書彭韶言

唐宣宗元舅鄭光官租不入京兆尹常澳械其庄吏宣宗欲

寬之澳謂若此法獨行于貧戶不可為訓竟徵足之今柳景

無元舅之親使臣等媿于韋澳不聽景相外戚慶雲侯





國權

弘治五年壬子

正月甲戌昏刻大星自軒轅流至近濁

庚戌昏刻月犯六諸王星

壬午 上南郊

壬戌減社稷壇鋪五色土僅寸厚用百有十石舊二百六十

石厚二寸四分

乙未英國公張懋等上表請冊東宮以勿未許


國權

弘治五年

一

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.





丁酉前左副都御史盛顛卒字時望無錫人景泰辛未進士授御史天順初言事劾石亨謫東鹿令有善政憂去邑人乞留薦守邵武延平擢廣西右叅政歷雲南陝西左右布政使刑部右侍郎調南京以左副都御史撫山東飢民儲粟至五百餘萬石顛雅飭工文不附權要卒以功名終

戊戌張懋等再表冊儲不許

二月癸卯張懋等又表請許之

水災免蘇松嘉湖糧芻有差

甲辰初思誠州知州岑欽誘殺泗城州知州岑應已應弟接

祥迎欽殺之議裁思城州  
戊申遼府鎮國將軍思鑑等有罪廢徙鳳陽導惡者成百二十八人是日遼王陰遣人斃八十餘人亡何王長子驟死不二年王薨謂其報云

已酉月犯井宿

庚戌水災免歸德田租


癸丑龍溪龍盜溫文進等伏誅

甲寅南京壽星見

丁巳右副都御史梁璟巡撫四川

國權

弘治五年





庚申定經筵俱吉服

甲子增禮部主事提督會同館

乙丑晚刻月犯羅堰上星

丙寅詔立哈密陝巴為忠順王故忠順王脫、從孫也兵部尚書馬文升謂夷俗貴種類故立陝巴仍賞都賞督同知奄克字刺及都指揮使阿木郎為都督僉事佐之

代府輔國將軍成鈿有罪降為庶人

丁卯卜入大同陽和衛境殺邏卒

己巳旱災免杭州金華田租有差

夜北方黑氣東西垣天

庚午停陝西絲絨之半巡按御史張文之言

三月辛未朔卜入宣府河西口

壬申前涼州副總兵都督同知趙英卒世臨洮衛指揮使

癸酉進士樊社為江西道御史

乙亥風京師風霾

丙子卜屢入甘州樂善堡

丁丑逮應天府丞冀綺以南京陵廟牲遲悞見劾

戊寅立皇太見子厚熜詔赦

國權 弘治五年

三

